



Departement für Justiz, Sicherheit und Gesundheit Graubünden
Departament da giustia, segirezza e sanadad dal Grischun
Dipartimento di giustizia, sicurezza e sanità dei Grigioni

14238 (d'inditgar en la resposta)

☎ 081 257 25 13/17
☎ 081 257 21 66
✉ info@djsg.gr.ch
www.djsg.gr.ch

Departament da giustia, segirezza e sanadad
Hofgraben 5, 7000 Cuiira

A las
adressatas ed als adressats da la
consultaziun
tenor la glista

Cuiira, ils 22 da december 2016

Consultaziun tar il sboz da la revisiun parziala da la lescha per promover la tgira da personas malsaunas e l'assistenza da personas attempadas e da personas che basegnan tgira (LTM; DG 506.000)

Stimadas dunnas e stimads signurs

Il mars 2016 ha la regenza suttamess al cussegl grond il rapport davart la finanziaziun dals ospitals e da la tgira en il chantun Grischun (M 2015-2016 p. 1035 ss.). En quest rapport ha la regenza examinà detagliadamain la finanziaziun dals ospitals e da la tgira. Per eliminar las mancanzas mussadas ha ella proponì sis mesiras. Cun la revisiun parziala qua avant maun da la lescha per promover la tgira da personas malsaunas duain vegnir realisadas las suandantas mesiras ch'il cussegl grond ha approvà en la sessiun da zercladur 2016:

- Las categorias da prestaziun, per las qualas la regenza fixescha tenor l'art. 21b LTM ils custs renconuschids e la participaziun maximala als custs tras las abitantas ed ils abitants per las chasas da personas attempadas e da tgira e per las gruppas da tgira che vegnan menziunadas sin la glista da las chasas da tgira, duain vegnir reducidas d'actualmain quatter a trais. La categoria da prestaziun "custs da reparaziun e da renovaziun" duai vegnir abolida, ils custs per l'utilisaziun dal stabiliment duain vegnir repartids proporziunalmain sin ils ulteriurs trais purtaders dals custs.
- La regenza duai survegnir la cumpetenza da designar sin plaun da l'ordinaziun las regiuns da planisaziun per la tgira ed assistenza staziunara ed ambulanta e d'attribuir las vischnancas ad ina regiun da planisaziun.

- Tut las vischnancas duain vegnir obligadas da sa participar a las contribuziuns d'investiziun tenor l'art. 21 LTM per purschidas da la tgira ed assistenza staziunara da pazientas e pazients stabels e da persunas attempadas en lur regiun.
- Sco basa per fixar ils custs renconuschids e la participaziun maximala als custs tras las abitantas ed ils abitants da las chasas da persunas attempadas e da tgira e da las gruppas da tgira e tras las clientas ed ils clients da la spitex duai servir da nov la media da las datas dals custs dals ultims 3 onns che precedan l'onn dal conclus e betg pli las datas dals custs da l'onn che preceda l'onn dal conclus.

Ultra da quai prevesa questa revisiun parziala da la LTM ils suandants puncts da revisiun che n'èn betg l'object dal rapport davart la finanziaziun dals ospitals e da la tgira en il chantun Grischun:

- Per ch'ils custs da tgira e d'assistenza chaschunads d'abitantas e d'abitants che dovran extraordinariamain blera tgira ed assistenza posian vegnir indemnissads adequatamain a las chasa da tgira, duai la regenza vegnir autorisada da renconuscher – supplementarmain als custs che pon vegnir mess a quint tenor la classificaziun dal SCRA – ulteriurs custs da questas abitantas e quests abitants. Quests custs supplementars dastgan vegnir mess a quint mo suenter ch'els èn vegnids approvads ordavant da l'uffizi da sanadad en il cas singul sco custs da tgira u d'assistenza supplementars cumprovads. Percunter duai il sistem dal basegn da tgira vegnir reducì dad actualmain 16 a 12 stgalims.
- Per promover dimoras curtas per distgargiar las persunas che assistan e tgeran lur confamigliars, duai la regenza pudair differenziar ils custs da pensiun renconuschids tenor ils dis da tgira per dimoras curtas cumprovads da las chasas da persunas attempadas e da tgira.
- Las contribuziuns chantunals che vegnan reducidas, sch'i na vegn betg mess a disposiziun il dumber da plazzas da scolaziun per professiuns dals fatgs da sanadad e socials fixà da la regenza, duain vegnir pajadas a quellas instituziuns che mettan a disposiziun dapli plazzas da scolaziun che pretendì. Uschia duain vegnir remuneradas quellas instituziuns che sa stentan extraordinariamain per la scolaziun.
- Tenor l'art. 49 da l'ordinaziun davart l'assicuranza da malsauns (OAMal; CS 832.102) èn tgerunzas diplomadas e tgerunzs diplomads autorissads d'exequir lur activitad a quint da l'assicuranza obligatorica per la tgira da malsauns, sch'ellas ed els han questa permissiun tenor il dretg chantunal e sch'ellas ed els adempleschan las ulteriuras premissas d'admissiun ch'èn fixadas en la OAMal. En l'art. 17 da l'ordinaziun tar la lescha per promover la tgira da persunas malsaunas èn actualmain fixadas premissas da renconuschientscha empè da premissas d'admissiun. Da nov duain quellas vegnir regladas sin il stgalim da la lescha sco premissas d'admissiun.


Ils documents da consultaziun tar il sboz da la revisiun parziala da la lescha per promover la tgira da persunas malsaunas e l'assistenza da persunas attempadas e da persunas che basegnan tgira sa chattan sin la pagina d'internet dal departament da giustia, segirezza e sanadad (www.djsg.gr.ch) e pon vegnir stampads davent da là.

Ans returnai per plaschair Vossa posiziun fin il pli tard ils 22 da mars 2017. Per ans facilitar l'evaluaziun As supplitgain nus da duvrar per Vossa posiziun il formular da resposta electronic che stat a disposiziun sut la medema adressa d'internet e d'ans trametter quel per e-mail (info@djsg.gr.ch). Grazia fitg.

Freundliche Grüsse

DEPARTAMENT DA GIUSTIA,
SEGIREZZA E SANADAD

Il schef

A handwritten signature in black ink, appearing to read 'Rathgeb', written over a horizontal line.

dr. Christian Rathgeb
president da la regenza

Agiuntas:

- glista da las adressatas e dals adressats da la consultaziun

Adressatas ed adressats da la consultaziun

- partidas politicas dal chantun
- vischnancas grischunas
- federaziun grischuna "chasas ed ospitals"
- federaziun da spitex dal Grischun
- ospitals e clinics en il Grischun
- chasas da tgira en il Grischun
- regiuns da planisaziun da las chasas d'attempads e da tgira
- servetschs da la tgira ed assistenza a chasa en il Grischun
- secretariat da "palliative gr"
- associaziun svizra d'Alzheimer, secziun grischuna
- Pro senectute dal Grischun
- federaziun grischuna da las senioras e dals seniors
- organisaziuns dal mund da lavur "sanadad e fatgs socials" dal Grischun
- federaziun svizra professiunala da las tgirunzas e dals tgirunzs, secziun dal Grischun
- uniun grischuna da medias e da medis
- uniun grischuna d'apotecras e d'apotechers
- sindicat svizzer dals servetschs publics SSP, secziun Grischun
- institut d'assicuranza sociala dal chantun Grischun
- departament da finanzas e vischnancas
- departament d'economia publica e fatgs socials
- departament d'educaziun, cultura e protecziun da l'ambient
- departament da construcziun, traffic e selvicultura
- post da stab per l'egualitad da las schanzas